

浮山縣志卷之二十三

孝義

曰孝曰義百行之媿自經史傳記與夫

國家訓典胥諄切告誡為其為民爨風化之原也浮俗淳

良篤孝敦本者頗贏義舉尤欣欣樂赴蓋沐浴

聖化者深矣凡堪為子弟鄉里範者悉書以示勸焉志孝

義

明

浮山縣志

卷之二十三

孝義

一

陳俊

節婦郭氏遺腹子痛父死王事母孀居曰慈烏反哺羊羔跪乳矧人不如物乎自是朝夕拜母

食必親供宗鄰稱之卒年九十二孫孜官布政

蓋文卿

性謹厚多善行嘉靖間臨汾楊林因醉遺金四十文卿得之楊醒後涕泣求諸道文卿詰其數

符所獲悉還之楊敬禮終身子三紹仁以明經任臨朐丞有賢聲紹義紹智屢薦賓筵世濟厥德

齊一本

邑北南王村人少孤孀母柏氏失明一本力田奉養終身無怠族伯思明老而無子一本生養

死葬胥盡禮焉邑侯劉伯綬高其誼表之曰孝順存心謙恭持行至於農業無幾而恤孤寡賑貧乏尤人

所難者生子三國彥所難者生子三國彥國賢國才俱入庠

蓋大綬

家富饒好施予每歲暮出粟麥百餘石以贍里黨之貧乏遇寒士率餽以金每歲皆然從無德

色萬曆丙戌斗粟千錢大綬與許龍協力濟饑邑以茂德數舉鄉飲賓筵

### 周瑞

邑千總父家俊得嘔血疾百藥不效瑞焚香籲天割股沸湯飲之父病尋愈邑侯旌其門有人子之愛親固天倫之恒事而傷身以見志亦人情之所難等語

### 許龍

字雲岡世以農事起家天性温良丰儀魁碩平生樂善好義萬曆丙戌歲歉斗粟千錢邑民餓殍相望龍出粟千石賑饑賴以全活者無算七舉賓筵邑令給扁以旌其善子州尹遊泮食餼為當時名士譽望崇高  
克光弘緒

### 楊居森

居邑北之楊村河世有令德祖億連姻于平陽漢胃資產殷豐萬曆中與蓋君大綬許君龍太學陳君萬年輸粟濟饑謂之四大家居森性行高曠克光世德暨弟昌森胥為鄉里推重焉

## 浮山縣志

### 卷之二十三

孝義

二

### 楊昌森

居森之同母弟也風度冲和友于兄弟全天性之愛愜華萼之情年未知命即以茂德陟賓筵

### 楊春洽

崇禎間大荒流民饑死者遍野施蓆歛之

### 蓋祿養

字君儲禮部儒士性剛直寡言笑家無儲蓄尤好施予見饑寒者輒衣食之見死喪者輒殮埋之鄰里胥稱其德課子姪輩誦讀九採芹者八人

### 喬登俊

邑西街人性仁惠崇禎辛巳歲歉解推以周貧乏比閭族黨間咸倚賴之涇陽李孝遺金於道俊拾而還之人稱其德壽至八旬五薦賓筵稱希遇焉

### 葛勛元

仁惠好施世居縣北南王村崇禎末巡東道李公日焜暨府廳張秘諸公家百餘口避難南王堡勛元納而館之供給不闕事諸公酬以金弗受順治丙申遭旱出粟賑饑全活甚又建

衙署窮民李信被罪解  
稟遺之遠近胥稱其德

國朝

侯于楚

字方城少負義俠順治六年流寇猖獗賊衆乘  
夜蜂擁入城劫掠官署邑侯王公廷佐勢急踰  
城墜壕棘刺滿身赤足伏地適于楚護母崔氏避賊  
行至北郊見公困苦狀負公而走賊至楚奮力向前  
奪其器械賊不敢近其母諭之曰賊若再至奈何寧  
撒我無令傷公楚度勢難兩全先負公趨至北閣村  
及回迎母賊果追至磔其母於中途楚見母屍痛哭  
幾絕誓不共戴王公親為祭奠旌以陵母遺烈又酌  
楚金帛辭不受每思報讐雪恨惜悲哀過甚病數年  
而卒里人至今稱道不置

張鏗

字鳴瑜性倜儻重義氣凡遇鄉黨困乏商賈缺  
貲率傾囊貸之邑人多受其利已丑之變道鎮

浮山縣志

卷之二十三

孝義

三

兵數千詣浮剿賊時倉廩懸竭官民恟懼鏗出粟數  
百石以餉軍卒賴以贍有岳陽掾張朝雨虧折官銀  
追比垂斃鏗出百餘金保全其命事平還報無所受  
其他急公好施不一而足義聲著遐邇

侯讓

義官侯維新之子少孤事孀母色養不倦每遇  
母病日夕侍側未嘗少離及母卒晝夜悲哭殯

葬悉遵古禮鄉黨稱為孝子奉  
旨旌表給帑建坊祀忠義孝弟祠

張玉

熙豐里人幼喪父事孀母以孝聞承歡色養定  
省問視至老弗懈順治六年流寇猖獗殺擄逞  
威其母聞之心驚力歡玉負母逃於僻所採取山果  
野蔬充饑寇退歸閭母語人曰我非子無以至今日  
玉亦泣曰子母豈有今日乎母逝竭力殯葬棄妻  
子廬墓三年每遇雷雨即跪塚前泣告日見在此母  
勿驚里人僉稱為孝子順治十七年巡按白公題准  
奉

旨建坊旌表祀忠義

孝弟祠

張鏜

字鳴珂居邑之諸葛村昆弟五人鏜居其次性孝友幼時母為製新履珍惜不肯輕着人或問

之曰吾兄弟多敢以一履重勞吾母經營耶胞姪以人命繫獄禍幾不測鏜破資萬金力為營救因得釋從此家業蕭索並無嗟怨語每逢播種時各鄉無籽種者悉散給之收獲畢總不計利各相爭償恐後凡里中有婚葬無力及饑寒無倚者率多賴其周濟鄉黨德之至今道及尚有感泣者

周家鼎

世居邑之東門沉静寡營與物無競父館為明時耆碩有鄉望家鼎克循遺範弗替家聲孝友

睦嫻動合規度失配二十年不復娶有古君子風兄家胤好施而未育子當彌留時欲以千金家產畀之辭弗受俾分給宗支之困乏者人皆嘉其能讓有司以茂德堪型匾其門年甫六表榮膺寶典者三次雅

浮山縣志

卷之二十三

孝義

四

譽清規光

孚榆里

侯諗

世居邑北街性公平好惡是非一歸於正鄉鄰有過輒面斥之民有爭訟每咨其講說輒平情

區處不令涉公廷邑令旌其賢平生敦本業鮮交遊友愛兄弟相好無尤年登八旬事繼母恪供子職闔學舉賓筵每以德薄力辭弗獲始強從焉

周鐸

字小田德行茂著孝友温恭人多親愛數陟賓筵識與不識無不稱為長者壽百齡子邦彥克

盡孝道風徽卓越亦其積慶之所鍾也

喬廷秀

字帝梁增廣生賦性淳朴事親以孝聞居鄉恂恂善下邑令旌其賢孝精舉子業歷試不第年

未四十遂絕意進取隱居北鄉之阿足不履城市者二十年浮邑久不發科孫昌齡登壬子鄉薦咸謂

善之  
報云

齊至盛

字鳴吾邑北南王村人冲慧知書賢達有令望  
僑寓郡城輸金助關城之役宗族在浮者蠲數

百金以資緩急毫無德色貿易淮揚間出入均平公  
私稱便尤好義推賢喜交當世知名士儀真諸生有  
英俊而孤寒者率餽膏火以成其業名譽浹於遐方  
子人龍克繼父志撫遺腹度弟人瑞至於成立貲產  
均晰鄉黨多之

周 珣

字宗燹廩貢少孤寒奮志詩書事孀母姜克盡  
孝道撫二弟肅雍式好凡日用婚娶一切皆身  
任之戊申歲以德行見推學使徐公獎勵優渥有克  
敦孝友有光學校之褒

衛鳳翔

字覽輝邑庠生仁而好施姪九錫少孤翔撫如  
已出甥衛聖望幼失怙母老而貧翔移母子同

浮山縣志

卷之二十三

孝義

五

居綜理家計迨成立始遣歸里族弟鳳樓居臨汾家  
貧將客西秦翔招之歸分宅而居為置產業教其子  
讀書有成邑人咸稱其義云

朱弘采

武庠生家貧寒重義氣叔朱衣點挾其子正采  
寓臨汾地震被壓死維時浮亦同日地震死傷  
相枕籍皆屏息不敢出弘采聞之立往汾邑出尸敗  
垣中負以歸葬有幼弟亮采甫三齡弘采卒撫有成

張印昌

邑東張鎮人事親先意承顏敬養備至父母相  
繼歿倚廬墓側朝夕號泣邑中咸稱為孝子云

張淑說

字蓋公邑增生苦志潛修甘貧守道性篤孝值  
父染疾延醫不效因棄儒業專心岐黃檢得良  
方父病尋愈兄弟八人說居長式好無尤鄉黨稱之  
邑侯盧公贈匾曰橘隱遣叟又曰孝友為政

侯 傅

字範宗德行生員侯緒業子也世居北門天性  
仁孝家貧親老孩提時即識體親心和悅承顏

以娛暮景稍長讀書勤敏不事嬉遊出必告反必後父得目疾失明傳年方十三扶持左右者九年

虔禱神前祈父目重明願以身代目疾果愈人皆以為孝感所致值父疾篤親治湯藥衣不解帶及歿日

夜悲號哀毀骨立既葬每日詣墓痛哭抑鬱成疾相繼而卒家人於枕傍拾得一紙有親面何時見恨不

早黃泉之句里人稱為孝子乾隆九年奉旨旌表給帑建坊祀忠義孝弟祠

### 汪衍長

字海若號東園歲貢為人長厚教授生徒誘掖有方成名者甚衆一日赴縣完糧見有被枷者

詢知以欠糧故素不相識即將已銀與之代為完項後其人感德赴謝方悉其姓名鄉黨義之稱為長者

### 衛子瑗

字玉田邑庠生仁厚孝友事繼母如本生康熙辛未蝗蝻為災鄉民苦無苽種瑗盡出所有百

餘石遍給布種不足又破囊購買與之是歲苽得豐收全活甚衆里人以房址訟於官兩造彌月弗息瑗

## 浮山縣志

### 卷之二十三

孝義

六

出已地一段令築室訟乃平橋梁廟宇有廢墜者率先補葺多士欽崇舉延介賓壽邁古稀終蓋棺後義

衰聞不

### 楊瑄

字玉振個儻不羣仗義疎財友愛弟姪鄉人義之營房產財物不以自私胥分散弟姪鄉人義之

### 張翼舒

字扶垣候選二尹少失怙事孀母極孝色養備至周濟貧乏捐修城垣凡創建廟祠鋪砌道路

不惜重貲協力成之邑西河橋及梁村溝橋遭水衝決民以病涉為憂首倡捐修并建茶亭以濟行者人

稱便焉

### 李臨鵬

字翺冲父母歿時弟方孩提臨鵬友愛甚摯長令讀書遊泮歷年經營財物從無私蓄悉以今

弟鄉人義之

齊昌

字魁生鴻臚寺序班鳴珩孫世本書香家貧躬耕自給恂恂清介有儒士風事繼母張氏無異

本生母染病三載焚香祝顙願以身代母尤鍾愛之易簣時以所存二百金私遺之昌不以自私與兄均分鄉里以孝友可風旌之

王政

字正宇勤儉自守待弟極其友愛在外經營數十年所積貲財盡數給弟并不以私其子鄉人之義

之義

賈涇

左村人與弟渭友愛倍至自幼至老寢食與共朝夕歡聚出入必偕嗣均失偶終身不再娶兄沒後其弟憂思慘悲數日內相繼而卒

齊燕孟

思貢鳴嚶三子事繼母秦氏克供子職處兄弟四人敦篤友愛鄉里有相競者輒直言不諱必

浮山縣志

卷之二十三

孝義

七

剖辨其是非曲直村人化之四十餘年不聞成訟又施地以為義塚窮人之死葬無歸者多沾其惠邑侯

盧公旌其門曰邦之司直

張連升

字子擢邑庠生居心仁厚孝友性成事繼母如本生一切喪葬獨任其事友愛昆弟成就功名

屢為鄉里排紛解難人多賴之

張鴻舉

字遵渚少恂謹熟治孝經論語父背時年九歲擗踊號泣儼如成人事伯叔奉教惟謹事繼母

崔愛敬備至二十餘年從無惰容崔病泣禱愿以身代煮粥煎藥日夜不暇寢居喪哀毀如禮內外皆以

孝稱無間言

柏青秀

字芳宇性慈祥事孀母色養備至友愛兄弟有怡怡氣象更為代置田地以足養贍凡與人言

以勤儉立家為務親炙其訓者率多豐里爭辯是非輒詣秀求直數言立解卒年八十

有鄉掌德之

楊 珩

字璞珍昌森次子邑附監生候選縣二尹世居楊村河生而岐嶷克繼父志式廓門閭性篤友

愛昆仲無間言鄉鄰有忿爭者質之珩是非立判人服其公康熙三十年蝗蝻為災粟米騰貴村中乏食珩出粟散給全活甚衆義聲震於遠邇焉

帝 臣

字簡心少孤事孀母以孝弟早逝撫育孤姪與子無異經營數十年建置房產悉與姪均分並

刻字梁木諭令諸子勿得異日有所侵奪鄉人義之

張 體 正

字友端孩提時即識孝友凡遇新鮮食物必先奉父母次及諸兄然後取食稍長體卹奴僕遇

浮山縣志

卷之二十三

孝義

八

大雪嚴寒諭黎明造飯令其飽煖方行驅使年十九忽染疾不起臨歿時晝夜涕泣恨今生無以報二親

劬勞之恩邑人惜之

齊 頊

監生鳴嚶孫世居邑北南王村性最謹厚好濟貧乏康熙六十年連遭荒歉捐輸銀粟救濟窮

人見有死葬無資者即買棺給銀使殯葬之總憲朱公放賑平陽特加旌獎邑侯陸公旌其扁曰尚義賑

窮及卒鄰里老幼皆感歎泣下

侯 克 節

字信齋廩貢居家孝友持躬廉介凡族黨有爭多方排解兄弟堅欲另爨不得已許之讓兄弟

擇取其優者而以劣者歸己鄉黨義之任永濟訓導勤於課士取與不苟後歿於官諸生咸愛戴焉

監生遭繼母之變母逐其妻子至於所國琦益盡職色養畢至在母百般苦備親

從無怨懟時人  
比之舜孝云

楊端

字羽範邑增生事親孝母患瘡甚危虔禱於三官神願以身代母病尋愈友愛兄弟生平從無

私蓄且居鄉長厚絕跡公門里閨有忿爭極力排解  
剖析是非時有非理與人雀爭者恐端不肯附會  
人許賄二百金端嚴厲叱之教授生徒愷切訓導絕  
不計館金有族姪顯祖病垂危子鵬翔甫十歲托孤  
於端端慨然自任後教訓入泮鵬翔感思具金以報  
端作色堅卻不受康熙六十年荐饑減膳捐米佐賑  
邑侯陸公給匾旌之嗣朱學憲按臨公舉優行特加  
旌獎

郭明璧

世居邑之新城村性醇厚克恭厥兄已商於外  
所得贏餘悉供給其兄以資讀書卒獲成名待

子禮和藹  
終身無間

浮山縣志

卷之二十三

孝義

九

喬三月

年十五路拾金二十餘兩不以入已遍訪銀主  
詰其數符還以與之邑令以花紅旌獎之